



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Vita P. Ignatii Loiolae, Qui religionem Clericorum Societatis Iesv instituit**

**Ribadeneyra, Pedro de**

**Coloniæ Agrippinæ, 1602**

Alfonsus Salmeron, & Paschasius Broet. in Hiberniam legantur. IIII.

**urn:nbn:de:hbz:466:1-45323**

us cum id egisset, ut Pontifex rem totam intelligeret, eamque Pontifex Regi liberam reliquisset, eos per epistolas certiores facit, rem totam à Pontifice in Regem reiectam esse: itaque Regi per omnia obtemperet: nulla prioris mandati religione moueantur. Sibi tamen (si Rex fortè scire velit, quid ipse sentiat) videri, ut Franciscus in Indiam proficiscatur: Simon in Lusitania remaneat: quod utique consilium Rex probauit. Hæc sunt disseminata in Lusitania, & remotissimis Indiæ regionibus, nostræ Societatis exordia.

*ALFONSVS SALMERON ET  
Paschasius Broetus in Hyberniam  
legantur.*

## CAPVT IV.

**H**Oc item anno, Magister Alfonsus Salmeron, & Magister Paschasius Broetus, cum per apostolicam potestate, nuntij Apostolici à summo Pontifice in Hyberniam missi sunt. Quæ potestate castè, prudenterque vsi sunt, suoque munere functi diligenter: rudes illos, & incultos populos Regis Angliæ potentia, & vicinitate labantes, in vera religione retinere studerunt: fi-

L 5            dei

dei Christianæ dogmata imperitis explicarunt: pecuniam neque exegerunt vaquam, neque spontè oblatam acceperunt: si quid multæ nomine imperassent, id totum egenis tribuebatur, ipsi nihil penitus attingebant. Arque hac sobrietate vitæ, & moderatione, in ea prouincia aliquamdiu versati, in Galliam redierunt, quòd aditū veritati clausū, & insidias à perditis quibusdam hominibus sibi fieri cōperissent, qui eorū vitā pretio Anglis mercatoribus addixerant, vt eos Henrici VIII. Angliæ Regis, traderent potestati, cuius ipsi, dum eò nauigarent, manus diuinitus effugerant. Certior factus de periculo Summus Pontifex, iusserat quidem, vt illi se in Scotiam transferrent, cum eadem potestate: sed cum illa Prouincia, pessimè aduersus sedem Apostolicā iam tū affecta esset, animique nobilium ab illius reuerentia abalienati, inopportunum tempus ratus Pontifex, homines ad se reuocauit. Itaque Lutetia iter in Italiam suis ipsi pedibus, tenuique pecunia, Apostolici nuntij sunt ingressi. Et cum bellum in Hispaniam Gallia instrueret, quasi speculatores Lugduni intercepti, in vincula conijciuntur: à Cardinalibus.

nalibus Turonensi deinde, & Gaudio agniti, educuntur, & viatico equisque benignè donati, Romam ad Ignatium remittuntur. Interea Faber cum D. Ortizio in Hispaniam hoc ipso anno 1541. est profectus: in cuius locum Nicolaus Bobadilla, professione edita, in Germaniam, Pont. Max. iussu, missus est. Et ut ex ijs, quæ diximus, perspicui potest, ex quo à Summo Pontifice confirmata nostra Societas est, vix anno vertente in Italiam, Galliam, Hispaniam, Germaniam, Indiam, atque Hyberniam disseminatam illam videre licet:

DE COLLEGIIS CONIMBRICENSI, GOENSI AC ROMANO  
demo.

## CAPVT V.

**H**oc rerum statu, Ioannes III. Lusitaniæ Rex, ut Indorum salutem consulere, misso ad Indos Francisco Xauier, alios ex nostris, quæ ratione in annos singulos posset mittere, cogitauit: Collegiumque nostræ Societati decreuit omnium primus instituire, quod illius propagandæ in Lusitania, quasi seminariū esset. Quare

L 6

ad